

VALUES @ CITrA

e-Bulletin of Centre for Internship Training and Academic enrichment (CITrA)

Competition, Presentation, Exhibition (ComPEX) 2019

Dr. Faezah Kassim

Seramai enam orang pensyarah CITrA telah menyertai Pertandingan Inovasi Competition, Presentation, Exhibition (ComPEX) 2019 peringkat Kebangsaan pada 25 Jun 2019 hingga 27 Jun 2019 dan berjaya memperoleh Pingat Gangsa ComPEX2019. Para pensyarah tersebut adalah terdiri daripada Dr. Muhammad Shamshinor Abdul Azzis sebagai ketua kumpulan, Dr. Noor Ain Mat Noor, Dr. Fatimi Hanafi, Dr. Faezah Kassim dan Pn. Faridah Che Husain.

ComPEX yang dianjurkan oleh Institut Pendidikan Guru (IPG), Kementerian Pendidikan Malaysia ini menyediakan platform untuk perkongsian amalan terbaik inovasi dalam kalangan warga pendidik sama ada di IPG mahu pun di peringkat universiti dan sekolah dengan mengenal pasti inovasi yang boleh diketengahkan di peringkat kebangsaan. Terdapat penyertaan daripada pelbagai institusi pengajian tinggi antaranya ialah Universiti Kebangsaan Malaysia, Universiti Teknologi Malaysia, Universiti Pendidikan Sultan Idris dan Universiti Utara Malaysia



Kaedah pengajaran MagicNation berjaya menarik minat sebahagian besar pelajar sekolah.



Kunjungan pelajar IPG dan penjelasan oleh Dr. Muhammad Shamshinor Abdul Azzis.

Isi Kandungan

Competition, Presentation, Exhibition (ComPEX) 2019.....	1
Maybank Go Ahead Challenge.....	3
Program Attach @ UM.....	5
Social Entrepreneurship (SE) Masterclass # 4 – University of Malaya.....	7
Lawatan ICDL Asia.....	9
Persidangan Kebangsaan Kokurikulum Universiti (NUCC) 2019.....	10

Centre for Internship Training and Academic enrichment (CITrA)
Pusat Latihan Intern dan Pengayaan Akademik
Universiti Malaya
50603, Kuala Lumpur

No. telefon: 03-7967-5410
Emel: citra@um.edu.my
Laman web: <https://citra.um.edu.my>



Kumpulan pensyarah CITrA mempertandingkan inovasi dalam kaedah pengajaran dan pembelajaran (PdP) bagi kursus Hubungan Etnik. Tajuk yang dipertandingkan adalah Amalan Pendidikan Berimpak Tinggi Dalam Pengajaran dan Pembelajaran (HIEPs) Kursus Hubungan Etnik di Universiti Malaya.

Strategi PdP daripada HIEPs yang digunakan adalah *Collaborative Assignment and Projects (CAS)* dan *First Year Seminar (FYS)* bagi mencapai hasil pembelajaran kursus (HPK) merangkumi kemahiran insaniah Kemahiran Berkomunikasi, Pemikiran Kritis dan Kemahiran Menyelesaikan Masalah serta Kerja Berpasukan.



Para juri sedang menilai pembentangan dan persembahan kaedah pengajaran oleh Dr. Muhammad Shamshinor Abdul Azzis.

Booth 26 ComPEX2109: CITrA Universiti Malaya dengan tajuk “Amalan Pendidikan Berimpak Tinggi dalam Pengajaran dan Pembelajaran Kursus Hubungan Etnik di Universiti Malaya”.



Pn. Faridah Che Husain (peserta program) sedang memberi penjelasan kepada pengunjung booth.

Sijil Penghargaan di atas pencapaian Pingat Gangsa Pertandingan Inovasi Kategori Pensyarah.



Maybank Go Ahead Challenge

Dr. Ponmalar N Alagappar & Cik Nurhafizah Jafri

Program Maybank Go A Head Challenge (MGAC) telah dijalankan di kampus seluruh Malaysia. Pada 29 Jun 2019, program ini telah dijalankan di Universiti Malaya (UM) dengan kerjasama pihak CITra. Program ini melibatkan penyertaan pelajar-pelajar UM yang terpilih iaitu pelajar yang telah menjalankan ujian secara atas talian yang disediakan oleh Maybank. Selain itu, terdapat juga pelajar UM yang dipilih melalui Bengkel Persediaan Latihan Industri (LI) yang dijalankan bersama Maybank.

Program ini memberi pendedahan kepada pelajar mengenai keperluan industri terkini serta dapat meningkatkan kebolehdapatan pekerjaan pelajar di masa hadapan.



Pelajar menjalankan tugas berkumpulan.

Dalam program ini, cabaran MGAC di peringkat kampus telah berlangsung pada 29 Jun 2019 dan disertai oleh 18 orang pelajar Universiti Malaya. Seramai tiga (3) orang pelajar telah memenangi cabaran MGAC yang sekali gus telah melayakkan mereka ke cabaran di peringkat nasional. Pelajar-pelajar tersebut ialah:

- Afif Ridhwan Roslan (Fakulti Ekonomi dan Pentadbiran)
- Yuvrajan Periyar A/L Yogeswaran (Fakulti Kejuruteraan)
- Nur Hidayatul Husna Muhammad (Fakulti Sastera dan Sains Sosial)



Sesi pendaftaran pelajar.



Tiga orang (3) pelajar UM yang telah memenangi cabaran MGAC peringkat kampus.

Pada 16 Julai 2019, cabaran MGAC di peringkat kebangsaan telah dilangsungkan di Menara Maybank 100, Jalan Tun Perak, Pudu. Di peringkat ini, seramai dua orang pelajar Universiti Malaya layak untuk ke pertandingan di peringkat antarabangsa iaitu:

- Muhammad Arief Siddiq Bin Md. Daud (Fakulti Perakaunan dan Perniagaan)
- Afif Ridhwan Roslan (Fakulti Ekonomi dan Pentadbiran)



Wakil Maybank memberikan penerangan tugasan kepada kumpulan peserta.



Aktiviti berkumpul.



Sesi bersama wakil Maybank.



Dua pelajar UM yang layak ke peringkat antarabangsa iaitu Afif Ridhwan Roslan Muhammad (gambar atas) dan Arief Siddiq Bin Md. Daud (gambar bawah).

Program Attach @ UM

Puan Putri Harlinda binti Ibrahim

Program Attach@UM telah diperkenalkan oleh Bahagian Hal Ehwal Pelajar mulai Semester II, Sesi 2018/2019. Objektif utama program ini adalah untuk memberi pendedahan awal kepada pelajar Tahun 1 bagi program pengajian Sarjana Muda mengenai alam pekerjaan menerusi penempatan di pusat tanggungjawab terpilih selama sepuluh (10) hari. Program ini telah dilaksanakan di Universiti Malaya pada cuti Semester II, Sesi 2018/2019.

Seramai tujuh (7) orang pelajar daripada pelbagai fakulti telah mengikuti program ini di CITrA. Fakulti tersebut adalah seperti Akademi Pengajian Islam, Fakulti Alam Bina, Fakulti Bahasa dan Linguistik, Fakulti Pendidikan dan Fakulti Perniagaan dan Perakaunan. Pelajar telah didedahkan dengan fungsi utama CITrA dalam aspek:

- Pengurusan pentadbiran pejabat
- Pengurusan aset dan inventori
- Pengurusan hal ehwal akademik dan pendaftaran kursus pelajar
- Pengurusan data latihan industri pelajar dan data industri



Pelajar Attach@UM yang ditempatkan di CITrA.



Pelajar Attach@UM menerima hadiah sagu hati setelah tamat program Attach@UM.



Sesi maklum balas pelajar Attach@UM bersama Pengarah CITrA.



Pelajar Attach@UM bersama Pengarah dan Timbalan Pengarah (Latihan Industri) CITrA.

Social Entrepreneurship (SE) Masterclass # 4 – University of Malaya

Cik Nurhafizah Jafri

Pada 4 Julai 2019, CITrA dan MaGIC (Malaysian Global Innovation and Creativity Centre) telah menganjurkan Social Entrepreneurship (SE) Masterclass # 4 – Universiti Malaya yang melibatkan penyertaan daripada warga kampus Universiti Malaya. Seramai 80 orang peserta yang terdiri daripada pelajar, pensyarah dan staf bukan akademik yang terlibat dalam program ini. Program ini dilaksanakan di Bilik Seminar 1 & 2, bangunan CITrA dan dikendalikan oleh penyelarar daripada pihak MaGIC iaitu En. Mohd Rizalman (MasSIVE, MaGIC) serta melibatkan penceramah jemputan iaitu:

- En. Kim Lim (Co-founder of Picha Project)
- En. Redza Shahid (Co-founder of GrubCycle)



Taklimat daripada En. Mohd Rizalman dari MasSIVE, MaGIC.



Perbincangan berkumpulan.



Pembentangan oleh peserta program.

Program yang dijalankan ini adalah bertujuan menyediakan peserta untuk menjadi seorang Usahawan Sosial (Social Entrepreneur). Melalui program ini, pelajar diberi pendedahan mengenai pengenalan kepada komponen asas keusahawanan sosial bagi membantu mereka untuk mengembangkan idea-idea keusahawanan sosial.

Selain itu, program ini juga memberi pendedahan kepada pelajar mengenai persekitaran dan amalan-amalan terkini untuk menjadi sorang usahawan sosial yang berjaya. Dalam program ini juga, pihak MaGIC telah menyediakan garis panduan dan modul-modul praktikal yang boleh dirujuk dan digunakan oleh peserta untuk mengetahui dengan lebih mendalam mengenai keusahawanan sosial.



Peserta program yang terdiri daripada staf dan pelajar UM.

Lawatan ICDL Asia

Cik Nurhafizah Jafri

Pada 9 Julai 2019, CITrA dikunjungi oleh wakil ICDL Asia bagi membincangkan penganjuran seminar *ICDL Asia Digital Literacy Day 2019* yang dijadualkan berlangsung pada 12 September 2019. Lawatan ini adalah rentetan daripada perjanjian yang ditandatangani di antara UM dan ICDL Asia dengan pihak UM bersetuju untuk menjadi tuan rumah bagi menganjurkan seminar tersebut. Penyelaras utama bagi program ini ialah CITrA, Technovation dan ICDL Asia serta disokong oleh pejabat TNCA.

ICDL Asia Digital Literacy Day 2019 merupakan seminar yang dijalankan bagi mewujudkan kesedaran terhadap kepentingan untuk mempunyai kecekapan dan kemahiran digital terutama sekali dalam kalangan pelajar. Pelajar generasi kini perlu disediakan dengan kemahiran digital agar mereka dapat berdaya saing di peringkat global. Penganjuran ICDL Asia Digital Literacy Day 2019 diharap dapat dijadikan sebagai salah satu platform sesi perkongsian antara industri, ahli akademik dan para pelajar untuk mendapatkan perkembangan dan trend terkini dunia digital.




Wakil ICDL Asia bergambar bersama Pengarah CITrA.

Persidangan Kebangsaan Kokurikulum Universiti (NUCC) 2019

Dr. Noor Ain Mat Noor

Pada 10 & 11 Julai 2019, beberapa orang pensyarah daripada CITrA telah menyertai Persidangan Kebangsaan Kokurikulum Universiti (NUCC) 2019 bertempat di Universiti Putra Malaysia. NUCC 2019 dianjurkan oleh Majlis Kokurikulum Universiti-universiti Malaysia (UniCC) dengan kerjasama Jabatan Pendidikan Tinggi dan UPM serta disertai oleh 20 universiti seluruh Malaysia.



Poster inovasi yang dihasilkan oleh pensyarah CITrA.



Antara bahan inovasi yang dipamerkan di NUCC 2019.

Persidangan ini melibatkan penyertaan sebanyak 43 buah artikel dan 30 penyertaan pertandingan inovasi pembelajaran dan pengajaran kokurikulum di IPT dengan tema '*Innovation Co-Curriculum to Enhance Student Development*'. Dalam pertandingan inovasi, pihak CITrA telah memenangi dua buah pingat gangsa iaitu melalui pembentangan poster bertajuk:

- Inovasi dan Kreativiti dalam Pdp Kursus Hubungan Etnik di Universiti Malaya: Ke Arah Pemantapan Kemahiran Insaniah Dalam Kalangan Pelajar – MagicNation
- Inovasi dalam Pengajaran dan Pembelajaran Melalui Pelaksanaan Amalan Pendidikan Berimpak Tinggi (HIEPs) Bagi Kursus Tamadun Islam & Asia dan Hubungan Etnik di Universiti Malaya



Penyampaian sijil dan pingat gangsa kepada Dr. Muhammad Shamshinor Abdul Aziz.



Para pensyarah CITrA bergambar bersama Prof. Dato' Dr. Saharuddin bin Abdul Hamid (Pengerusi UniCC).



Antara pensyarah CITrA yang terlibat dalam pertandingan inovasi NUCC 2019.



Centre for Internship Training and Academic enrichment (CITrA)
Pusat Latihan Intern dan Pengayaan Akademik
Universiti Malaya
50603, Kuala Lumpur

